

Novitads >

Regiuns Alvra e Partenz/Tavau

Strategia per il futur da las regiuns

Las regiuns Alvra e Partenz/Tavau han vuli savair sco crear spazi d'abitar e viver per il futur. En il focus èn possessurs da chasas ed abitaziuns da vacanzas, ed en special las personas sur 55 onns.

Tona Poltera
Ier, 18:44
Actualisà a las 18:52

Parter quest artigel sco emprim.

Il project «Svilup persistent dal spazi» ha intimà las regiuns Alvra e Partenz/Tavau da sa participar a dumondas che la Confederaziun vuless respostas. En il center è la problematica da la midada demografica, e sco duess sa preschentar il spazi da viver da damaun en las regiuns. Ina retschertga tar possessurs d'abitaziuns e chasas da vacanzas è stada l'entschatta.

A chaschun da la preschentaziun dals resultats ha il cusseglier guvernativ Marcus Caduff menziunà, ch'il chantun s'occupa intensivamain dal tema ed ina soluziun saja la digitalisaziun. Quai haja er sa mussà durant il temp dal lockdown en connex cun l'augment da personas che lavuran da chasa anora.

Buna basa

En las regiuns Alvra e Partenz/Tavau existan 23'591 abitaziuns secundaras. Prest in terz dals possessurs han survegni in questunari per dar resposta sin basa volontaria. Returnads èn 2'587 questunaris, quai èn ina quota da resposta da 36%.

Or da las respostas resulta per exempel che possessurs d'abitaziuns secundaras sa differenzieschan cleramain dals turists ed auters giasts. Els tschertgan er autras qualitads d'abitar. Ina differenza exista tranter vischnancas grondas e pitschnas. En vischnancas pitschnas è la prioritad la quietezza e la recreaziun. En vischnancas da mesa grondezza gioga la natira ed il maletg

<https://www.rtr.ch/novitads/grischun/chantun/regiuns-alvra-e-partenz-tavau-strategia-per-il-futur-da-las-regiuns>

1/3

23.3.2021

Regiuns Alvra e Partenz/Tavau - Strategia per il futur da las regiuns - Novitads - RTR

RTR

Video

Audio

Midar domicil

Abitaziuns da vacanzas èn tenor la retschertga savens in project per il temp sunter la pensiun. 38% da las personas enfin 54 onns vulessan passentar dapli temp en il lieu da vacanzas, e tar las personas tranter 55 fin 64 onns èn quai perfin 55%.

Gronda è era la prontadad da s'engaschar e sa participar a la vita publica, e da sustegnair il svilup da la regiun. Per ina pitschna part da las personas cun in'abitaziun da vacanzas è er il midar domicil per adina in tema concret, per il temp da pensiun.

RTR actualitad 17:00

Novitads >